

KOPOMOGUNAAN SET SIMPOD MONTOK POPOINGKAWAS KABAALAN TANGAANAK TOUN 3 MONTOK POPISODU HOGOT ID PANANDATAN

CANISIUS EINUS
ZANDI EVELYN ANNOL
PISMP BAHASA KADAZANDUSUN AMBILAN JANUARI 2017
canchelsea10@gmail.com

ABSTRAK

Ponoriukan Tindakan nopo diti nga pinoindalan montok mongintong kabagasan do teknik Set Simpod montok monolibamban kobolingkaangan do tangaanak id kabaalan monuat montok popisodu hogot id panandatan. Ginumu nopo do huhumompit id ponoriukan diti nga soginumu duo tulun tangaanak toun 3 ii poinsikul id iso sikul id watas Tuaran, Sabah. Mantad do pongintangan di nowonsoi di mononoriuk, huhumompit nopo dii nga kikobolingkaangan id kabaalan monuat id nombo do au kaanu o huhumompit diti popisodu do hogot id panandatan soira monuat. Teknik Set Simpod nopo diti nga winonsoi inspirasi mantad ponoriukan di Yusof Bin Hj. Malie & Walter Alvin Jiniti (2010) montok monguhup tangaanak disgrafia popisodu hogot id panandatan. Set Simpod nopo diti nga momoguno do boros ponuhuan om nogi kikopomogunaan do pen, pensel toiko tunturu. Mononoriuk momoguno do boros ponuhuan "simpod" id tikid dohuri do hogot di nosuat montok kopoilaan do popisodu do hogot om popoiliu do pen, pinsil toiko tunturu id dohuri do hogot di sinuat sabaagi pialatan di minog do poinsoduon pogulu i do monuat do ponuatan hogot id panandatan di sumusuhut. Model nopo di noguno id ponoriukan tindakan diti nga tumanud do model di Kurt Lewin (1948). Instrumen ponoriukan nopo di ginuno nga kaida analisis dokumen, poniisan pra & pos, om nogi pongintangan. Panganalisan data nopo nga id bontuk kualitatif om kuantitatif. Asil mantad data analisis dokumen om poniisan pra popokito do koduo-duo huhumompit au kaanu monuat id woyo di kotunud id nombo do mogisoosokot o ponunuat diolo. Kalapas intervensi, koduuduo huhumompit pinopokito do kinoingkokoton id kabaalan popisodu hogot id ponuatan panandatan diolo. Kinoingkokoton diti popokito do Teknik Set Simpod diti kaanu monguhup tangaanak monolibamban kobolingkaangan popisodu hogot id panandatan.

Boros Toponsol: *Set Simpod, Kabaalan Monuat, Popisodu Hogot id Panandatan.*

ABSTRAK

Penyelidikan Tidakan ini dilaksanakan untuk mengenal pasti keberkesanan Teknik Set Simpod bagi membantu murid mengatasi masalah jarak perkataan dalam menulis ayat. Responden kajian ini terdiri daripada dua orang murid tahun 3 yang bersekolah di sebuah sekolah terletak di daerah Tuaran, Sabah. Melalui tinjauan awal, pengkaji mendapati bahawa responden menghadapi masalah dalam penulisan jarak bagi setiap perkataan dalam ayat. Pembinaan Set Simpod ini adalah inspirasi daripada kajian yang telah dijalankan oleh Yusof Bin Hj. Malie & Walter Alvin Jiniti (2010), dalam kajian mereka untuk membantu murid disgrafia dalam menjarakkan perkataan. Teknik Set Simpod ini menggunakan penggunaan kata arahan "Lompat" pada setiap hujung perkataan yang ditulis dan meletakkan pen, pensel atau jari di hujung perkataan yang ditulis sebagai sempadan atau jarak yang perlu dilangkau sebelum memulakan penulisan perkataan yang seterusnya. Pengkaji menjalankan kajian berdasarkan Model Kajian Tindakan Kurt Lewin (1948). Instrumen kajian yang digunakan adalah kaedah analisis dokumen, ujian pra & pos dan pemerhatian. Data yang diperolehi dianalisis secara kualitatif. Hasil

analisis data analisis dokumen dan ujian pra, pengkaji mendapati kedua-dua responden mengalami masalah dalam penulisan jarak perkataan iaitu menulis perkataan terlalu rapat. Selepas intervensi, kedua-dua responden telah menunjukkan peningkatan yang baik dalam penulisan jarak perkataan mereka. Peningkatan ini menunjukkan bahawa Teknik Set Simpod ini dapat membantu murid dalam memperbaiki masalah jarak penulisan dalam ayat.

Kata Kunci: Set Simpod, Kemahiran Menulis, Menjarakkan Perkataan dalam Ayat

KOPOINTUTUNAN

Hontolon nopo do pongia'an om pambalajalan Boros Kadazandusun id sikul nga montok popoingkawas kabaalan boros id pialatan do tangaanak miagal ko kabaalan mokinongou, moboros, mambasa', monuat, kolumison boros om nogi kabaalan puralan boros. Sundung potuu do ingkaa nga kiwaa piipiro kobolingkaangan di otoguang do tangaanak om mogingia' id proses pongia'an om pambalajalan Boros Bahasa Kadazandusun miagal ko kabaalan komi, mambasa, monuat om nogi piromutan do tangaanak soira do mimboros do boros Kadazandusun. Kobolingkaangan nopo di pinili do monoonoriuk montok ponoriukan tindakan diti nga kobolingkaangan id aspek kabaalan monuat. Tumanud di Abdul Rasid Jamian & Zulkifli Abu Zarin (2008), kabaalan monuat nopo nga poinsuang id kabaalan mimboros i oponsol montok milumaag id koposion tikid tadau. Mantad diti, oponsol kopio do popoingkawas kabaalan monuat id pialatan do tangaanak mooi do koinobos nogi o tangaanak id kabaalan-kabaalan boros di suai. Mantad dilo, pinointutun o monoonoriuk do iso teknik ii roitan do Set Simpod kumaa tangaanak toun 3 montok popoingkawas kabaalan tangaanak montok popisodu hogot id panandatan soira monuat. Uhu nopo do ponoriukan diti nga, "Kopomogunaan Set Simpod Montok Popoingkawas Kabaalan Tangaanak Toun 3 Montok Popisodu Hogot Id Panandatan".

FOKUS SORIUK

Fokus ponoriukan nopo diti nga montok monguhup di huhumompit ponoriukan montok popoingkawas kabaalan diolo id kabaalan monuat loolobi no id aspek popisodu hogot id panandatan soira monuat. Ponoriukan nogi diti kifokus montok monolibamban do kobolingkaangan diti id pialatan tangaanak mooi do kaanu i tangaanak do monuat id woyo di kotunud. Kobolingkaangan nopo di okito id ponoriukan diti nga au kaanu o tangaanak monuat id woyo di pointunud id nombo do aiso koinsoduon toiko misokot o ponunuat di tangaanak soira do monuat. Mantad no dilo do pinadalan o intervensi "Set Simpod" diti montok popoingkawas kabaalan tangaanak montok popisodu hogot id panandatan soira do monuat. Intangan nogi fokus diti montok komilotodbiran, komilogunoon, koponsolon, panamangan om kosudongon montok sikul do Set Simpod soira poindalanon o intervensi diti.

TUDU OM POGUHATAN PONORIUKAN

Tudu Soriuk

1. Popoingkawas kabaalan tangaanak toun 3 montok popisodu hogot id panandatan momoguno Set Simpod.
2. Mongintong kabagason kopomogunaan Set Simpod montok tangaanak toun 3 do popisodu hogot id panandatan.

Poguhatan Soriuk


1. Kaanu nangku o Set Simpod popoingkawas kabaalan tangaanak toun 3 do popisodu hogot id panandatan?
2. Kibagas nangku o kopomogunaan Set Simpod diti montok tangaanak toun 3 do popisodu hogot id panandatan.

HUHUMOMPIT PONORIUKAN

Huhumompit nopo id ponoriukan diti nga soginumu duo tulun tangaanak toun 3 mantad iso sikul tosiriba id watas Tuaran Sabah. Koduo-duo nopo do huhumompit ponoriukan diti nga tinaru Kadazandusun. Nopili o huhumompit ponoriukan diti sabab no do kikobolingkaangan o huhumompit ponoriukan diti id kabaalan monuat montok popisodu hogot id panandatan soira do monuat.

KAPAMANSAYAN SORIUK

Ponoriukan nopo diti nga minomoguno do Model Ponoriukan Tindakan Kurt Lewin (1948). Tumanud di Lewin, ponoriukan tindakan nopo nga kiwaa apat taang id suang lingkaran miagal do mamalan, momonsoi, mongintong om manahak tisuli. Rosinah Edinin (2015).



Rajah 1: Model

Kurt Lewin (1946)

Jadual 1

Laang Koindalanan Montok Toisoiso Intervensi Wonsoyon

Intervensi	Laang Koindalanan
Laang 1	: Kointalangan kumaa huhumompit ponoriukan kokomoi kopomogunaan do Set Simpod id ponuatan. Mongingia' mongia tangaanak momoguno do Set Simpod montok monuat panandatan di asanang om oniba.
Laang 2	: Huhumompit ponoriukan tapanayon do mongingia' momoguno do Set Simpod id koponuatan do panandatan di anaru tokuri ko mantad do panandatan id intervensi 1.
Laang 3	: Huhumompit ponoriukan monuat do iso pangaan toniba momoguno do Set Simpod.

KAIDA MONIMUNG DATA

Jadual 2

Kaida Monimung Data

Kaida Monimung Data	Instrumen
Analisis Dokumen	<ul style="list-style-type: none"> Lembaran Kalaja
Poniisan Pra & Pos	<ul style="list-style-type: none"> Lembaran Kalaja Poniisan Pra & Pos
Pongintangan Kistruktur	<ul style="list-style-type: none"> Foom Nuludan Pongintangan

LAANG MONGANALISIS DATA

Jadual 3

Laang Monganalisis Data

Instrumen	Teknik Monimung Data	Kosolimbahan data
Analisis Dokumen <ul style="list-style-type: none"> Lembaran Kalaja 	Marka	Jadual Graf Bar
Poniisan Pra & Pos	Marka	Jadual Graf Bar
Pongintangan	Frekuensi / Koinsoruan	Jadual

LAANG MONGINTONG DATA

Montok mongintong data di notimung id ponoriukan tindakan diti, minomoguno o monoonoriuk do teknik triangulasi data. Triangulasi data nopo nga ponginsamakan popoindalan iso ponoriukan miampai momoguno piomungan lobi ko mantad iso kakamot ponoriukan. (Rosinah Edinin, 2015). Id ponoriukan diti, minomoguno o monoonoriuk do tolu kaida. Kaida nopo di ginuno nga analisis dokumen, poniisan pra & pos om ogi pongintangan kistruktur.

ASIL PONORIUKAN

Asil ponoriukan montok analisis dokumen (Tudu 1)

Jadual 4

Asil ponoriukan analisis dokumen lembaran kalaja pogulu om kalapas do kopoidalanan intervensi

Huhumompit Ponoriukan	Marka Lembaran Kalaja	
	Marka pogulu (%)	Marka kalapas
Huhumompit 1	33	100
Huhumompit 2	17	100

Tumanud Rajah 4, koduo-duo huhumompit ponoriukan diti popokito do kinoingkawason marka lembaran kalaja pogulu om kalapas kopoidalanan intervensi Set Simpod. Kinoingkawason marka lembaran kalaja pogulu om lembaran kalaja kalapas kopoidalanan intervensi popokito bagas om nogi nokoponimbar do poguhatan ponoriukan kokomoi kopomogunoon Set Simpod popoingkawas kabaalan tangaanak toun 3 (Huhumompit 1 om Huhumompit 2) montok popisodu hogot id panandatan.

Asil ponoriukan montok Poniisan Pra om Poniisan Pos (Tudu 1)

Jadual 5

Asil ponoriukan Poniisan Pra om Poniisan Pos montok kabaalan popisodu hogot id panandatan.

Huhumompit ponoriukan	Marka Poniisan		Kinoingkawason marka
	Marka Poniisan Pra (%)	Marka Poniisan Pos (%)	
Huhumompit 1	36	100	+ 64
Huhumompit 2	32	100	+ 68

Tumanud Jadual 5 id sawat, koduo-duo huhumompit ponoriukan popokito kinoingkawason markah id poniisan pos ko mantad poniisan pra. Mantad analisis id sawat, koduo-duo huhumompit ponoriukan id ponoriukan diti pinopokito kinoingkawason id poniisan pos ko mantad kootusan id poniisan pra. Kinoingkokoton diti popokito bagas di osonong mantad kopomogunaan Set Simpod i pinadalan di monoonoruik montok popoingkawas kabaalan do tangaanak popisodu hogot id panandatan.

Asil analisis montok Pongintangan (Tudu 2)

Jadual 6

Analisis koinsoruan kabaalan di au noinabasan (X) id kabaalan monuat

Kod	Kabaalan Monuat	Koinsoruan au noinabasan (X) Pogulu Set Kopoidalanan Simpod		Koinsoruan au noinabasan (X) kalapas Set Kopoidalanan Simpod	
		H01	H02	H01	H02
K1	Postur mirikau di kotunud om kopongingitan do pinsil di kotunud	0	1	0	0
K2	Kaanu monuat miampai popisodu hogot id panandatan	2	2	0	0
K3	Oinig do koinsoduon hogot di suaton	2	3	0	0
K4	Kaanu monuat pimato di miagal o kinogoyoon om odoropi.	0	1	0	1
	Ginumu	4	7	0	1

Analisis data diti popokito do kinoingkurian do koinsoruan kabaalan di au noinabasan (X) id kabaalan monuat montok koduo-duo huhumompit ponoriukan. Kinoingkurian nopo id koinsoruan kabaalan au noinabasan (X) id kabalan monuat nopo diti nga kopogowit rati do kinoingkokoton kabaalan do huhumompit ponoriukan id aspek popisodu hogot id panandatan. Ahal nopo diti nga kirati do, okuri nopo o koinsoruan kabaalan au noinabasan (X) id kabaalan monuat nga nokoingkawas do kabaalan do huhumompit id aspek popisodu hogot id panandatan. Mantad diti, asil ponoriukan pongintangan pinopokito do kodimpoton tudu do ponoriukan koduo.

REFLEKSI

Kopomogunaan Set Simpod nopo id ponoriukan diti nga nakaanu popoingkawas kabaalan tangaanak montok popisodu hogot id panandatan. Iti nopo nga sinokodung mantad do asil analisis mantad instrument-instrumen di ginuno do monoonoruik miagal ko instrument analisis dokumen, poniisan pra & pos om nogi pongintangan. Mantad do kotolu-tolu instrument dilo, okito do haro kinoingkokoton do kabaalan monuat lolobi no id aspek popisodu hogot id panandatan do huhumompit ponoriukan diti. Mantad no dilo do ponoriukan tinakan diti nokodimpot do tudu ponoriukan om nakaanu monimbar poguhatan ponoriukan.

SUUL TINDAKAN TUMILOMBUS

Sabaagi suul ponginsanangan id ponoriukan maso dumontol, kopomogunaan Set Simpod diti milo poindalanon kumaa tangaanak di poingamung do program Linus ii kikobolingkaangan id kabaalan monuat id aspek popisodu hogot id panandatan soira monuat. Suai ko mantad dilo, popoingumu ii monoonoruik do latih tubi kumaa di huhumompit ponoriukan mooi do adadi daa iso pelaziman kumaa di huhumompit ponoriukan montok popisodu hogot id panandatan soira monuat. Suai koi lo, kopoindalanan Set Simpod nopo diti nga poindalanon tumanud taang kosusaan id nombo mantad di ouhan kumaa di osusa. Monoonoruik nogi manahak do tapanai kokomoi woyo koinsoduon hogot id panandatan di kosudong mooi do kaanu ii huhumompit ponoriukan monuat id woyo di bobos osonong.

SUKUON

Abdul Rasid Jamian & Zulkifli Abu Zarin. (2008). *Keupayaan Kemahiran Membaca dan Menulis Bahasa Melayu Responden Sekolah Rendah Kebangsaan Luar Bandar*. Universiti Pendidikan Sultan Idris: Kertas Kerja di Konvensyen Pendidikan Nasional 2008.

Othman Lebar. (2011). *Kajian Tindakan Dalam Penyelidikan: Teori dan Amalan*. Tanjong Malim: Penerbit UPSI.

Rosinah Edinin. (2015). *Penyelidikan Tindakan Kaedah dan Penulisan*. Kuala Lumpur: Pelangi Professional Publishing Sdn. Bhd.

Rosinah Edinin Ph.D (2014). *Penyelidikan Tindakan: Kaedah & Penulisan*. Kuala Lumpur: Pelangi Profesional Publishing Sdn. Bhd.

Suppiah Nachiappan.(2008). *Aplikasi Teori dalam Aktiviti Pembelajaran*. Universiti Pendidikan Sultan Idris. Jurnal Penyelidikan Tindakan.